

光緒重修安徽通志

重修安徽通志卷二百六

人物志

忠節五

甯國府

晉俞縱涇縣人蘇峻之亂彝遣縱守蘭石峻將韓晃攻之縱將敗左右勸縱退軍縱曰吾之不負桓侯猶桓侯之不負國也力戰死贈興古太守

晉書桓彝傳

宋鮑瑑旌德人宣和中方臘寇甯國瑑糾義兵擊破之補承信郎明年賊盧邁寇涇瑑力戰中流矢死

一統志

王相如字次卿宣城人建炎初江右盜起相如爲賊所得州檄賊降賊令屬草報州相如奮髯叱曰吾死不爲賊作牒遂遇害一門皆死所著有溪堂集周紫芝序之稱爲仁者之勇云

一統志

詹友端字伯尹宣城人政和丙申鄉貢第一建炎初上書言復  
讐取中原事語甚壯不報值潰將戚方圍宣城友端親當鋒矢  
以爲眾倡賊平補迪功郎調監池州贍軍酒庫盜發鄰鄆郡委  
友端攝西安尉與賊戰中流矢卒詔錄其子雷

一統志

趙師旦字潛叔積之從子用稹蔭調將作監主簿知江山縣斷  
治出己吏不能得民一錢歷知康州儂智高破邕州順流薄城  
下師旦迎戰殺數十人賊稍卻師旦還語其妻取州印佩之使  
負其子以匿遂與監押馬貴部士卒固守城破矢盡士無一人  
逃者賊脅師旦大罵不屈智高怒並貴害之賊旣去州人爲立  
廟事平贈光祿少卿柩過江山合縣迎喪哭祭數百里不絕

宋史

曹觀傳

王行之字才仲太平人爲婺州士曹宣和三年方臘寇婺守臣

皆遜行之曰吾刑官也分當死職遂遇害

一統志

方致堯甯國人建炎庚戌戚方寇甯國致堯伏鄉兵於嶺隘大破之賊益兵至中流矢被執脅之降罵曰我豈從賊者耶遂死

一統志

趙汝彙宣城人通判文州嘉熙元年元兵來攻與知州劉銳晝夜搏戰拒守兩月餘援兵不至城陷銳自刎汝彙被執以善射故先斷其兩臂鬻殺之

宋史劉銳傳

吳寶信字叔誠宣城人以蔭爲龍泉令元兵入臨安寶信從張世傑奉二王如福州復遷泉州會蒲壽庚亂率淮兵百人力戰死

一統志

周眞字子繼旌德人咸淳中奉文天祥劄投本縣尉元兵壓境力戰死之

一統志

楊義忠字大書甯國縣吏德祐元年元巴延攻甯國知縣趙與  
穉戰死義忠率眾城守凡六十晝夜出戰死贈武功大夫

宋史  
恭宗

紀

一統志

甯國府志

唐秦嶽號廣方宣城人宋相介後度宗時爲甯國軍節度遂卜  
居焉元兵渡江秦嶽力戰采石不支退守甯國元人來檄降秦  
嶽曰世有降節度耶元令圍久者下之日屠其城秦嶽謂其妻  
曰吾不如先死以存數萬百姓遂夫妻同日死城得免屠士人

德之

甯國  
府志

元洪文廣涇縣人以薦授高陽牧三年政平訟息尋擢臺史時  
桑哥擅權文廣首劾之出爲建康道廉訪副使數上書言得失  
桑哥怒矯詔賜死

甯國  
府志

王翕宣城管軍百戶至正乙未長槍賊陷城呼弟曰我受國恩

當死汝等衛老母出遂與妻同日自刎死一統志元史類編

張文貴宣城人官百戶明兵下甯國路守將出降文貴被執不

屈死妻妾皆自殺一統志明史陳友定傳

梅實字仲實宣城人官集慶路照磨至正末明兵至謂其友李

端曰事亟矣當以死殉國毋令後人謂我不明君臣之義城陷

闔門自經元史類編

張國岡南陵人至正丙申趙雙刀寇南陵率義兵與戰被執不

屈死一統志

劉保九宣城人與其兄保一俱膂力絕倫至正末劇盜蠡起率

眾保禦鄉里保一授萬戶保九授信武將軍後保九獨出禦賊

歿於陣甯國府志

洪文甫甯國人為烏程縣尹解組歸至正末紅巾賊起偪文甫

從不屈扼吭死

甯國府志

明汪文炳字炳叔太平人明太祖渡江隨孫炎入見授祕書典

籤講解稱旨遷都昌知縣陳友諒來攻援絕被執不屈死

一統志

胡泰亨字仕通太平人太祖下甯國授庫官以親老乞歸洪武

初召至金陵值兄臨亨犯法當死泰亨以其無子請代太祖義

而免之尋命往守安南寇圍城急潛縋請救爲賊所執脇之降

不屈遂被害

甯國府志

何通泰字季貞甯國人元末嘗倡鄉兵卻紅巾賊太祖渡江通

泰歸附旣而僞吳來攻城陷自到

江南通志

李誠太平人從太祖征江州陷陣死

甯國府志

陳迪字景道宣城人祖宥賢明初從征有功迪以通經薦除編

修歷山東左參政雲南右布政並有聲建文初徵爲禮部尙書

時更修制度沿革損益迪議爲多又陳清刑獄招流民凡二十餘事皆從之靖難兵起李景隆戰敗迪陳大計督運軍儲聞變趨赴京師燕王卽位召迪責問抗聲不屈與子鳳山丹山等六人同磔於市蒼頭侯來保拾其遺骸歸葬妻管氏自縊死幼子珠五月乳母匿之八歲爲怨家所訐永樂宥之戍撫甯洪熙初赦還

明史本傳

國朝乾隆四十一年

賜諡忠烈

勝朝殉節諸臣錄

余逢辰字彥章宣城人爲燕府伴讀王信任之以故得聞異謀乘閒力諫知變將作貽書其子誓必死兵起復泣諫言君父兩不可負死之

明史張曷傳

國朝乾隆四十一年



賜諡節愍

勝朝列節諸臣錄

萬琛字廷獻宣城人成化丁酉舉人知靖江改瑞金會劇盜大至或勸琛避琛叱之率民兵數十人迎戰殺賊二十餘人力屈被執罵不已遂遇害賊退得其屍溝中身被創十六指截三詔贈光祿卿蔭一子初琛遇難次子麟伏闕上書得贈蔭有司謂宜錄麟麟不受以讓其兄麒時人義之

一統志 明史本傳 甯國府志

吳景字伯陽南陵人宏治丙辰進士歷官四川按察司僉事正德中重慶人曹弼亡命播州糾眾寇川南景守江津手殺三人矢被面城陷大呼曰甯殺我無殺百姓遂死之贈按察司副使賜祭葬立祠江津予世蔭

明史本傳

王斌字季文宣城人官參將駐河南與閩賊戰獲其將四十七

員加總兵以深入陣亡

甯國府志

朱儀字象先涇縣人崇禎丙子舉人由庚辰特用任嘉定知州行取未行獻賊入川或勸之去儀曰我去誰與保障城陷不屈死之妻胡氏子命錫俱從死

國朝道光四年

恩准祀忠義祠

嘉定府志涇縣志

沈壽崇字宗山宣城人崇禎武進士官興都畱守忤巡按李振聲劾罷未行而賊至與巡撫宋一鶴謀守禦每自吟國恥非難雪君恩未易酬句城陷朝服北面拜賊斫之仆曰得死所矣一子同時遇害事聞贈都督僉事蔭子錦衣百戶

一統志明史宋一鶴傳

國朝乾隆四十一年

賜諡烈愍

勝朝殉節諸臣錄

方召宣城人署江山縣事聞金華被屠集父老告之曰不可以

吾一人使闕城被殃遂封其印冠帶向北拜投井死士民收葬

爲立祠

明史朱大典傳

國朝乾隆四十一年

賜諡節愍

勝朝殉節諸臣錄

朱懋華字仲毅南陵人崇禎進士知定海縣聞闖賊入京師北

望遙拜自縊死

江南通志

國朝乾隆四十一年

賜諡節愍

勝朝殉節諸臣錄

張載述字又彭涇縣諸生明末嘗三上史可法書陳兵食之計

乙酉涇縣不守遯走瀘溪爲魏一柱畫策守瀘後隨桂王至粵

西爲給事中以阻孫可望封秦爲可望所殺

明史嚴起恒楊畏知傳

國朝乾隆四十一年

賜諡烈愍

勝朝殉節諸臣錄

屠紹皋字士際甯國人以貢生知上津縣崇禎十年獻賊陷城

不屈死之

一統志

國朝乾隆四十一年

賜諡節愍

勝朝殉節諸臣錄

張鐫甯國人爲桂王刑科給事中馬吉翔爲孫可望謀禪代鐫

連章發其奸謀王倚以爲重遂奉命圖去可望事洩爲可望凌

遲死鐫就刑神色不變賦詩大罵而死

明史吳貞毓傳

國朝乾隆四十一年

賜諡烈愍

勝朝殉節諸臣錄

朱敏泰涇縣人太原籍由吏員歷宣府督糧通判闖賊陷宣府

同巡撫朱之馮自經死家屬七口同死

明史朱之馮傳甯國府志

國朝乾隆四十一年

賜諡節愍

勝朝殉節諸臣錄

饒龜字象台旌德人天啟舉人知蒲臺縣崇禎十五年城陷不

屈死

一統志

國朝乾隆四十一年

賜諡節愍

勝朝殉節諸臣錄

劉統字君常旌德人官守備福王監國晉秩都司從左懋第奉

使北上以不降誅

明史左懋第傳

國朝乾隆四十一年

賜諡節愍

勝朝殉節諸臣錄

王一斌太平人崇禎庚辰武進士左懋第奉使通好一斌以游

擊從入都館於太醫院懋第聞南京失守慟哭不降誅一斌亦

不降死

明史左  
懋第傳

國朝乾隆四十一年

賜諡節愍

勝朝殉節  
諸臣錄

沈壽堯宣城人壽崇弟也金聲起兵績溪壽堯舉兵應之約邱

祖德共復郡城不克壽堯陣歿

明史邱  
祖德傳

麻三衡字孟璿宣城諸生布政使溶之孫起兵稽亭應金聲兵

敗被俘快咏怒髮之詩屹立受刃死朱彝尊曰孟璿注名復社

遠賦無衣陳安未克生還狼暉已得死所

明史邱祖德傳  
三峯傳蔡

吳漢超宣城諸生聞都城變謀募兵赴難會福王立乃已明年

南都覆棄家走涇縣從尹民興起兵兵敗匿華陽山中與徐淮

合取旁近小縣明年襲甯國夜緣南城登兵潰按首事者漢超

已出念母在且恐累人遂入曰首事者我也剖其腹膽長三寸

妻戚氏自擲樓下死

明史邱祖德傳

國朝乾隆四十一年壽堯三衡漢超並

賜祀忠義祠

勝朝殉節諸臣錄

錢文龍甯國舉人起兵應金聲死同邑諸生吳太平阮恒阮善長劉鼎甲胡天球馮百家與俱起號七家軍兵敗皆死之

明史邱祖德傳

德傳

國朝乾隆四十一年並

賜祀忠義祠

勝朝殉節諸臣錄

趙初浣字雷度涇縣人崇禎副榜乙酉南都覆初浣與邑諸生

據城拒守城破初浣死之

明史邱祖德傳

國朝乾隆四十一年

賜祀忠義祠

勝朝殉節諸臣錄

王文亮太平人官千總崇禎庚午從劉協理剿賊戰歿同邑譚學鵠爲崧縣主簿崇禎壬午

大兵下山東學鵠死之

太平縣志

王六郎太平人與弟庠生伯子從金聲起兵聲敗兄弟同死之

太平縣志

趙大中字黃吉涇縣諸生南都覆涇前令尹民興流寓於涇大中率諸生奉之主兵據城拒守城破民興遯大中死之時同邑諸生死義者趙鶴字于九格殺數十人於城北而死趙崇炫自刎死趙崇雅趙純仁張載達張學載張一稱左宜之王大新王日望劉嘉皆死又有沈懋賢者字德臣民興之遯也步追之卒不返歸題其壁而死民興回里追戰國殤香烟中見趙大中端坐於上汗流浹背遂爲僧

甯國府志



徐應第字及三涇縣人以武進士官武昌都司獻賊寇武昌應

第戰死

甯國府志

蕭耀字闇然涇縣人以武進士歷任兩廣總兵

大兵下兩粵耀戰敗自刎妾劉氏幼子培俱入空門以終其族蕭

家駿字燕良以武進士爲平望守備

大兵南下拒戰死

甯國府志

吳大鼎字席儒涇縣人爲湖廣巡撫何騰蛟所識拔由守備超

遷總兵鎮荊州尋移岳州順治三年

大兵至戰敗就擒不屈死又吳道正字魯脰歷官副總兵平安酋

有功孔有德攻登萊力戰死子幼蔭其姪德忍爲守備吳之瑜

官辰州通判流寇陷城督至漢陽不屈死

甯國府志

萬庚字白叔涇縣人乙酉城破范雲龍倉卒集眾於城東庚往

應之雲龍敗庚被繫將與一蒙師同釋庚呼曰彼是也我非也

我將往白門面責洪承疇負先帝建廟旌忠之恩耳遂解江甯

被刑死

三峯傳藁甯國府志

萬麟字道祥涇縣諸生明亡遺其兄應隆書曰弟任道無力姑

以一死塞責遂不食死

三峯傳藁甯國府志

趙瑋字太璞涇縣歲貢生莊烈帝臨雍抗疏陳時弊歸從尹民

興起兵傾家贍軍城破走閩爲兵部郎中閩亡自殺

甯國府志

鄭繼元涇縣人官四川崇慶衛經歷告歸城破被執不屈死妾

蕭氏亦自刎

甯國府志

翟文術字無術涇縣人以進士知平江縣流寇起力守孤城請

援莫應憂憤啜血而死

甯國府志

章希熊涇縣人官潮州府經歷閩賊陷城死之

甯國府志

張有德字養源宣城人官福王工正崇禎壬午賊寇雒城被執

罵賊死河南巡撫蘇京具題建祠

甯國府志

徐肇基字紹先宣城人以孝友稱聞明亡北向大慟卽往麻姑

山從麻三衡起兵妻劉氏勸之曰天命有歸矣肇基泣然曰吾

惟有死三衡敗俱死

甯國府志

謝國斌宣城人以武舉任陽江守備明亡闔室自盡

甯國府志

劉永合字符卿南陵人獻賊破廬州躡及南陵永合糾眾捍鄉

里賊驟至被執罵不絕口賊怒截其顙子廩生永喬痛哭而卒

甯國府志

施所蘊字玉壺南陵人以蔭授光祿寺丞告歸流寇掠境端坐

中庭罵不絕口遂遭慘戮子玠甫十二歲抱屍痛哭賊義而釋

之

甯國府志

劉大京字君開南陵人鼎革後令薙髮不從慷慨就刑有劉希

邁者亦同日死

甯國府志

汪朝維字士張甯國人潰卒掠境朝維手刃其魁旋中流矢仆

地弟朝繼救之同死

甯國府志

崔守義太平人由椽吏官湖廣鄱縣尉李自成陷承天旁略州

縣城破被殺

甯國府志

牛論太平人以材官事左懋第隨行連劄授把總千總都司懋

第盡節論自刎死

甯國府志

陳易字有功太平人以武進士授杭州守備南都覆起兵應金

聲授副將陷陣死

甯國府志

張廷豹字炳文太平人崇禎癸酉武舉人金聲起兵績溪廷豹

與陳易應之易戰死石埭廷豹退保密崖關關破死之

甯國府志

崔騰鯉太平縣貢生任松江府學訓導

大兵至府縣官委印遜騰鯉集印七端坐明倫堂兵至主帥諭之曰爾降者七印惟所欲騰鯉曰吾守死非守印也與其子爾生

同死之

甯國府志

孫大綺太平人由禮部儒士官羅田縣巡檢流賊圍而攻之食

盡死

甯國府志

舒天長涇縣人明鼎革後不食死祀鄉賢忠義兩祠又趙臣成

涇縣諸生觸石死

涇縣志新増

國朝李煌字仲宣宣州衛人順治戊子貢生授萊州推官尋攝膠州事順治十年鎮將海時行叛煌不屈死之事聞贈山東按察使僉事

賜祭葬蔭子如玉入監孫喬蔭授遵義知縣煌被害時旗鼓司張思選

者陝西延安人時行命之刀煌思選以刀返擲時行不中遇害  
思選有僕張俊攜其子逃忽遇煌於道謂俊曰爾主今日戰於  
廟灣屬我命爾善事幼主可勿逃也明日時行就擒膠人爲立  
憫忠祠煌妻華氏年少以節終裔孫達嘉慶十一年得蔭千總

一統志 山東通志  
甯國府志

劉定邦旌德武舉官澧州營守備康熙三年由黃草梁攻茅麓  
山上路奪白石巖乘勝攻石笋先登陣歿

詔贈都司僉書

旌德縣志

汪化龍字魚君涇縣人由拔貢歷漢中府同知吳逆陷漢中偏  
受僞職化龍不從囚繫經年自經死藁葬漢中城南子鈞以蔭  
知狄道縣乾隆二十六年

恩准祀昭忠祠

一統志  
甯國府志

孫斌字淑猷南陵人以武進士爲福甯游擊耿逆反招斌斬其使飛報督撫請兵合討耿逆怒縛至省抗詞不屈囚之興化斌棄妻子而逃至背嶺山追卒至梃杖交下墮峻崖腰膝皆折丁巳春

大兵下興化斌扶杖謁軍門奉

旨優敘累官夔關副將都督同知繼母歿解官

詔特許之武臣丁憂自斌始一統志

許士縉字爾明甯國人由行伍積功任廣東副總兵順治丁亥

禦賊中礮死甯國府志

翟文進涇縣人官甯國營把總順治十六年海寇犯瓜州文進

迎擊陣亡甯國府志

劉讓字仲怡宣城人從征粵西以功授西林知縣康熙辛酉隨

征貴州轉餉軍前遇賊於南甯被執不屈死兄謙走萬里負其

骸歸乾隆二十九年

恩准祀忠義祠

一統志甯國府志

濮陽甯曾字爾修宣城人以材官授游擊從松江提督征耿逆至閩界渡河馬陷沒照陣亡例

賜卹銀七十二兩

甯國府志按傳與忠節無涉過而存之姑仍其舊

朱慶錦涇縣人武陵籍由行伍歷永綏協左營守備乾隆三十七年隨征兩金川有功六十年苗亂鎮筸鎮總兵明安圖赴鴉西寨剿捕被困慶錦隨副將伊薩納馳救力戰死妻孫氏妾江氏自縊一門從死者六人事聞

賜卹錄其子安邦授雲騎尉世襲襲次完以恩騎尉世襲

甯國府志以上舊志



重修安徽通志卷二百七

人物志

忠節 六

甯國府

王國賓字誠齋太平人守備銜江淮衛千總咸豐三年髮逆倡  
江甯府國賓從糧道陳良耀守城北城陷巷戰死一門殉難

贈守禦所千總銜

賜祭葬世襲雲騎尉

太平縣志  
以下新修

呂賢基字鶴田旌德人道光乙未進士授編修歷御史給事中  
伉直敢言先後疏陳各省加派勒捐濫支軍餉辦賑遲延等弊  
皆議行三十年正月應

詔陳言一懋

聖學一正人心一育人才一恤民隱竝請停江浙捐米例遷鴻臚寺卿  
咸豐元年擢工部左侍郎二年以粵匪河工度支漕運事事可  
慮疏請下

詔求直言如所請行三年正月

命赴安徽會辦團練防剿事宜疏請撥帑帶員調委又請

飭給事中袁甲三廣東知府趙昀協理防剿均從之尋會疏言團練防  
剿三事當分任併力以圖得

旨嘉納賢基抵宿州激勸忠義進駐六安時髮逆東趨分股犯集賢關  
十月桐城陷舒城告急賢基率勇馳駐舒城誓死守賊大股抵  
城下賢基登陴力禦未幾城陷力竭死之僚屬及幕佐多殉焉  
江忠源疏聞

諭曰呂賢基品學兼優同籍督辦團練方資倚畀捐軀盡節悼惜殊深

追贈尚書銜照尚書例賜卹又

諭曰贈尚書銜侍郎呂賢基素懷忠義大節無虧可於舒城建立專祠並賞內庫銀三千兩治喪尋

賜祭葬諡文節祀京師及本籍府城昭忠祠八年祀旌德鄉賢祠世襲

騎都尉子維幹襲

史館鈔傳旌德縣志

又刑部主事朱麟祺經呂賢基奏

帶安徽辦團咸豐三年九月在桐城大關血戰陣亡照知府陣亡例優

卹同治十一年內閣學士宋晉奏請

予諡並附祀呂賢基祠

報

朱宗采字芙生涇縣人咸豐三年官廬州府訓導守府西門城陷死之世襲雲騎尉是年翟詢在金陵殉難

贈鹽知事銜廕子人監又朱麒書守金陵南門城陷死之

涇縣志

朱鎮原名懋旡字耀廷旌德舉人咸豐三年投効揚州軍營以克復揚城及追賊皖豫燕晉轉戰功歷保知府又以解佟都統圍因受重傷旋卒

恩卹祭葬加布政使銜世襲雲騎尉祀昭忠並建專祠

旌德縣志

崔齡字半帆太平人官陝西寶雞縣丞告歸聞金陵陷慟哭赴

井死

太平縣志

李棟字子藩宣城貢生祖籍旌德之湯村道光二十六年選湖北公安知縣賑災築隄全活甚眾咸豐初調孝感鍾祥清蘆積案訓練勇丁以循良著武昌漢陽初陷土匪四起棟擒獲馬騾子郭大安蓋天王等三年擢荆門直隸州知州

諭曰李棟勤能廉潔士民畏愛俟引見後以知府升用時粵逆林鳳祥陷黃安趨麻城欲入江棟率兵往扼江口與賊遇連破之追至

馬鞍山殲滅殆盡九月江西賊犯廣濟之田家鎮檄標往四戰皆捷越日追敗賊於興國州之富池口距後軍遠賊登陸襲之標陷泥淖中二百人皆鬪死事聞

贈道銜世襲雲騎尉同治二年

賜諡剛介原籍及死事地方建立專祠

史館鈔忠義傳 宣城縣志并採薛湘張曜孫王柏心張裕釗

所撰誌狀表記

吳耀文字漢章宣城廩貢臨淮訓導賊至同邑紳謀守禦不及死之子湛官徽州右營守備署廣德營都司城陷戰死均廕雲

騎尉

宣城縣志

王思善太平監生咸豐三年在太湖帶練禦賊陣亡

英山縣志

汪翰垣字竹儒旌德庠生咸豐三年襄辦霍山團練城陷死祀

昭忠祠世襲雲騎尉

旌德縣志

董廷魁涇縣監生成豐三年同沈位南率勇隨官軍擊賊萬級  
嶺陣亡均祀忠義祠

涇縣志

王式金太平庠生成豐三年督勇守萬級黃柏兩嶺禦賊死

太平

縣志

黃金鐘太平監生成豐三年督勇防剿後城陷扼吭死

太平縣志

牧倭字竹田南陵人咸豐三年與兄貢生僑弟侄弟俊三次率  
勇剿賊繁昌皆以功得六品銜四年十一月賊自繁昌三路犯  
南陵倭督勇助知縣城守殺賊數十人於西門中鎗死侄與俊  
在牧亭率族團禦賊皆死之牧氏一村二百餘家俱燬

戴鈞衡  
味經館

文鈔

吳知補字戀關涇縣人率眾防堵萬級嶺咸豐四年同族弟豐  
年戰死祀忠義祠

涇縣志

舒之河字雲亭涇縣人捐穀練丁堵禦兩鎮咸豐四年在後岸  
殺賊甚多嗣帶勇克復青陽與把總麻仁從九品趙季淦武生  
趙耿元團長王萬珠高珮元查占鼇查鼎泰查曉龍等百四十  
二人均陣亡又鄭守榮帶勇追賊死之均祀忠義祠是年縣丞  
宗沛霖從九翟廷璽在北鄉田方陣亡陳鼇祥等在紀家嶺陣  
亡

涇縣志

王祥瑞太平人從九品隨向榮剿金陵給六品頂翎咸豐四年  
調防油榨溝殺賊陣亡世襲雲騎尉

太平縣志

黃鳳字梧岡太平人由供事補貴州清鎮縣典史積功保升知  
縣署丹江通判集團擊苗匪解清平縣城圍苗竄凱里鳳同守  
備王定臣帶兵馳赴凱里擊敗之苗走陷丹江鳳以失守革職  
凱里復被圍鳳困守五月王定臣又被圍於龍頭河鳳馳救陣

亡事聞復原官

賜祭葬祀昭忠祠世襲雲騎尉

太平縣志

崔爾芝字瓊仙太平諸生父朝宗官廣西河池州歸甚貧爾芝就弟洲於福建永春州值林俊倡亂陷屬縣爾芝爲弟籌守禦并計獲俊父置之獄使書招俊時總督遣師來援爾芝往往至湖陽爲俊所得使作書以易父不可遂被害

恩卹銀兩同治五年蔭雲騎尉

太平縣志

杜時升字挹溪太平人以江蘇縣丞募勇隸張芾營剿賊皖南道石景芬愛其勇敢而有紀律乞改隸焉咸豐五年冬攻金柱關陷陣戰歿

贈鑾儀衛經歷世襲雲騎尉

太平縣志

馬登明涇縣人咸豐五年在箬坑率勇剿賊陣亡又陳兆蓉陳



國柱陳邦佐陳濂陳培陳士鴻陳殿揚率勇剿賊死之俱祀忠

義祠

涇縣志

吳楠字石仙涇縣廩生侍郎芳培子剛方果決研究輿圖兵略  
咸豐三年粵賊南竄楠首先團練四年剿黃柏萬級等嶺援甯  
國灣汴出防蕪湖魯港燬船殺賊甚多五年堵箬阮援石埭繁  
昌出防南陵六年由滄溪移守龍門嶺監時五嶺皆有備賊聞  
道入涇縣陷楠馳回率勇攻復城池奪南門入巷戰至暮手刃  
四賊力竭傷重死之同死者吳誥曾潘宗星吳儀南周履祥倪  
家岳倪德星倪家瑞王際陸等數百人楠誥曾宗星均世襲雲  
騎尉儀南等祀忠義祠

涇縣志

戴興壽字南山涇縣人咸豐六年率勇守城同把總李標典史

趙同衍從九王道瑞均禦賊陣亡

涇縣志

王潤之涇縣人從九品咸豐六年涇縣城陷同邑人汪喜督勇

謀復均死之潤之世襲雲騎尉

涇縣志

王耀祖涇縣監生咸豐六年同軍功黃伯豐黃伯古武生趙同

佳沈國英李日煊先後帶勇剿賊陣亡又胡步雲等守紀家嶺

李雲等守萬級嶺江兆理江巨暖等在三溪章泰林守黃花嶺

王德祿等九人在葉家隴州同左權同子蘭芬在晏公嶺監生

舒漢章在老灘拔貢查垣帶勇助剿南陵俱陣亡均

旌卹如例

涇縣志 江忠義錄 兩

左鴻年涇縣人從九品集族堵賊屢勝咸豐六年同胡輝成胡

必道胡必鎮在萬級嶺帶勇助剿均陣亡鴻年一門七口迭次

殉難

涇縣志

周福元涇縣人州同銜咸豐六年備資督勇剿賊被殺一門殉

難涇縣志

包廷榜涇縣人從九品捐資集勇防剿數年咸豐六年在蘇嶺督隊陣亡是年從九吳維祺督勇攻城唐長齡唐俊椿葉際昌洪天曉汪禎廷江美璋帶勇殺賊訓導胡先炳被執不屈均死之俱世襲雲騎尉涇縣志

朱成漏胡洊林俱涇縣人咸豐六年賊竄涇帶勇防剿力戰死之成漏世襲雲騎尉洊林世襲恩騎尉涇縣志

崔國輝太平人從張芾在徽防咸豐六年祁門陣亡太平縣志

方昭文字子章太平廩生舉孝廉方正咸豐中賊據石埭昭文出資募勇扼守千秋關屢敗賊六年賊由羊棧嶺竄太平境昭文隨知縣歐陽黎照督團新村白沙嶺陣亡事聞照六品官例賜祭葬世襲雲騎尉是役也勇潰獨孫鍾瑞左右衛護昭文不去同死

之昭文有詩一卷激揚忠義多疏越之音

太平縣志

周得朋太平武生備資帶勇三次助復石埭咸豐六年同武生周百朋周應璋趙奇英從九周秀廷軍功崔上義崔經文崔守歲崔金爐崔太樓湯繼發隨知縣歐陽葵照在新村陣亡是役練勇軍功武生周公榜等八十三人崔觀虎崔國財等七人團丁童生王雪翻等百六十五人并陣亡

太平縣志

程瓚瑣太平人從九品咸豐六年偕兄續榜及從九胡榮祖周錫廷監生孫必錫暨方殿元胡同楷胡升三黃元花譚傳燦崔來壽從知縣歐陽葵照督勇堵賊白沙嶺陣亡續瑣榮祖錫廷均世襲雲騎尉

太平縣志

戴廷幹南陵武舉拔補太平縣把總咸豐六年賊竄太平縣境廷幹督剿白沙嶺斬馘甚多賊眾至血戰陣亡

旌卹祠坊

南陵縣志  
太平縣志

王錦泉字梅溪太平副貢候選教諭倡辦旌太團練助復石埭  
咸豐六年擊賊苦竹橋陣亡

贈國子監助教銜世襲雲騎尉長子祥基在廬州擊賊死之同治間

旌卹苦竹橋之役義勇武生王仁軍功杜立成文童王光珍李康杜嘉

謨等三百六十四人并陣亡又監生周松八品軍功周承桃率

同周旦壽等義勇在苦竹橋安仁坊轉戰均陣亡

太平縣志

曹澤棠太平人六品軍功咸豐五年率勇助攻石埭六年禦賊

安仁坊與王永忠王明心王光體均陣亡

太平縣志

王式金太平人從九品咸豐六年在涇縣後岸帶勇擊賊被執

死一門殉難事聞

旌卹後岸之役從九王祥薇文生王盛亦禦賊陣亡

太平縣志

王杖朝字少卿太平歲貢咸豐六年殉難

贈國子監學正銜廕主簿

太平縣志

劉調忠旌德人咸豐六年帶勇守黃花嶺賊率大隊來攻忠偕呂法琦奮擊少卻賊由間道出嶺後夾攻之均被害生員呂廷桂等二十二人均從法琦陣亡調忠

贈六品銜祀昭忠祠廕子八品

旌德縣志

趙惟清字直臣太平廩貢訓導署廣德州學正咸豐六年解勇

餉遇賊被害世襲雲騎尉

太平縣志

孫肇元太平武生成豐六年堵剿白沙嶺陣亡子武生廷魁廷柄誓殺賊報仇積功至五品八品咸豐七年在石埭擊賊連破數卡陷伏均陣亡

太平縣志

鍾茂林南陵人咸豐六年賊犯縣境茂林倡辦團練屢次防剿

七年賊大股至相持月餘隘破同子兆發及團丁五十餘人均

陣亡

南陵縣志

王嘉鑾涇縣監生督團堵隘復助剿克復南陵咸豐七年在難

子嶺陣亡

涇縣志

王三益王四喜俱涇縣監生咸豐七年在孝思嶺督勇剿賊陣

亡

涇縣志

趙季枝趙同波趙傳芳俱涇縣人督辦團練咸豐七年賊至被  
執死是年呂貞祥周藍文定營等在萬級嶺王觀寶等在紀家

嶺俱力戰死

涇縣志

劉國厚王桂馨俱太平人咸豐七年帶勇防堵國厚在黃柏嶺

桂馨在洪林橋均陣亡

太平縣志

魯得仁宣城人咸豐八年督團剿賊被害祀昭忠祠軍功姚林

章徐家茂劉文璧團丁張正全張星順等俱陣亡又軍功張伸

亦於是年督勇戰歿宣城縣志

王學舉涇縣人備資督團同曹福元帶勇在藍山嶺助剿陣亡

均世襲雲騎尉又咸豐八年布經趙廷基守縣東城馬先芳在

雲嶺率勇剿賊俱死之祀忠義祠涇縣志

潘獻壽涇縣人任廣東龍川典史捐廉助賑後改江蘇甯揚州

差委咸豐八年揚城陷死之世襲雲騎尉涇縣志

曹福眉涇縣人一門三十餘口殉難惟福眉之孫廷槐存世襲

雲騎尉涇縣志

王彰信太平人以助復石埭及守嶺功保五品咸豐八年隨官

軍堵禦泥田嶺陣亡太平縣志

蘇至巧太平人八品軍功咸豐八年帶勇守嶺禦賊殉難又王



光誠防道馬嶺陣亡

太平縣志

杜煒太平人布理問咸豐初捐勇守城兩月八年在泥田嶺堵

剿陣亡事聞

**旌卹**  
太平縣志

李獲功太平監生在建德葛公鎮捐勇五百餘人堵禦境賴以

安咸豐八年追賊至東流張經鎮力戰兩晝夜僅存二十餘人

同赴水死

太平縣志

王通太平人從九品咸豐八年在紅楊樹率勇禦賊中破死祀

忠義祠

太平縣志

崔億祥太平人積功保外委咸豐八年管帶知方軍在石埭陣

亡

太平縣志

吳振聲宣城人六品軍功咸豐九年督勇拒賊西門鐵橋灘力

竭陣亡

兩江忠義錄

羅福振太平人都司管帶果毅軍咸豐九年同管帶知方軍守

備羅漢把總周旦傑千總羅亨灼外委胡凍軍功五品周祇胡

萬春羅福林羅學煒六品羅福綏羅福有羅福延羅運懷章觀

信孫飛熊孫繼榮均在石埭陣亡羅漢世襲雲騎尉

太平縣志

王施普太平增生咸豐九年率眾禦賊仙石亭陣亡又是年王

運興守萬級嶺陣亡

太平縣志

王樹勳太平監生咸豐九年督勇禦賊陣亡嗣於同治二年

旌卹是年附貢盛濬源附生盛顏均禦賊死之

太平縣志

包燃乙涇縣庠生咸豐六年帶勇擊賊青陽九年賊踞涇縣同

子耿光守義均絕食死

旌卹如例

涇縣志

翟金聲字西園涇縣人附監生倡聯二十七姓團練堵賊咸豐九年全家殉難於同治七年

旌卹

涇縣志

翟世煒字子蓮涇縣人倡團殺賊保衛地方咸豐九年禦賊殉難祀忠義祠

涇縣志

李湧泉涇縣監生咸豐九年同李茂生李士高李家齊帶勇防堵高嶺陣亡

旌卹

如例是年胡道坤貢生唐大生在紀家嶺趙宗杖趙巨航在古北沖口軍功陳建勳九品陳標徐百川陳士楨在藍山嶺並帶勇防剿陣亡

涇縣志

朱標南陵諸生舉孝廉方正咸豐九年率勇禦賊受傷死弟大受五品軍功灼縣學生子沛膏均以帶勇陣亡又吳華章隨標

爲團長於十年殉難兩江忠義錄

俞廷黼宣城人從九品咸豐初灣沚鎮倡辦團練保五品奉調

竹塘營隨剿西河及涇縣等處十年八月營潰至南湖死之宣城志

縣志

朱楨幹宣城監生咸豐六年賊由涇撲大營督團拒守保五品

十年府城陷被執不屈死宣城縣志

張鳴皋宣城武舉任建平把總咸豐十年三月髮逆撲建平城

登陴固守力竭城陷巷戰陣亡建平县志

顧治宣城監生咸豐十年同軍功傅必發袁昭督團攻上灣賊

卡均陣亡是年軍功潘洪孝荀慶樸林克勝林克平及姚正粹

姚光浩王國全七人同義勇羅福海等十四人在雙橋任其禮

等十七人在計家橋徐貞祿等十九人及楊思雙陳召禮二人

團丁吳振柏等十五人在高橋坊軍功馮興福陳文元張銘家等二十九人在高山等處范懋道在瑯山口俱陣亡

宣城縣志

華星五宣城庠生咸豐十年帶勇攻踞城賊力竭死闔門入口

殉難照外委議卹並專祠專坊是年姚邦基糾眾拒賊洪林鋪

眾潰同兄邦淮死之

宣城縣志

陳光佑宣城人咸豐十年賊至一門殉難又訓導荀崇德家屬四口俱死並

旌建專祠

專坊是年施允慶施如集亦闔門死難

宣城縣志

張敏宣城人府學生以倡首辦公保訓導咸豐十年殉難磨雲

騎尉

宣城縣志

耿驥宣城武生候選衛千總咸豐三年檄辦甯國五城團練十

年城陷巷戰陣亡兄杰諸生嘗捐軍餉萬金弟鳳猷諸生舉孝

廉方正均遇賊不屈死

兩江忠義錄

楊敬龍宣城人外委管帶團山勇禦賊紅楊樹灣汴等處屢有斬馘咸豐十年城陷死之是年八品軍功馮垌良在烏溪六品軍功馮家標在石塘梅良禾在青弋江王國全在淇林橋六品軍功汪宏信在周橋六品軍功秦向正在季家橋貢生屠濠在北鄉破圩及監生施德華同弟宗修歲貢張浩諸生後溶五品軍功後起讓俱率眾禦賊陣亡

兩江忠義錄

城死

涇縣志

王元意涇縣人嘗約壯勇殺賊復城武舉下文斌武生鍾永清嘗捐貲募勇監生鄭國樑屢督勇殺賊并捐田多畝為忠義祠

費江宗連嘗勸捐辦團潘文儒嘗入山集勇均於咸豐十年城

陷殉難

涇縣志

張鍾英涇縣廩生咸豐十年督勇守城及陷全家殉難

涇縣志

翟廷杰涇縣人咸豐十年率團堵賊全家殉難

涇縣志

鄭珪齡涇縣人從九品咸豐十年督勇剿賊陣亡一家殉難於

同治八年

旌卹又增生鄭懷瀛併生鄭觀瀾闔門殉難布理問張承清一家七口

殉難

涇縣志

吳履端字建卿涇縣人一家殉難祀忠義祠世襲雲騎尉

涇縣志

吳惇五涇縣人候選同知咸豐十年督團堵賊遇害祀忠義祠

世襲雲騎尉

涇縣志

吳嘉言涇縣拔貢輸資辦團咸豐十年殉難

旌

卹如例涇縣志

吳慕曾涇縣舉人咸豐十年同陳炎帶勇剿賊陣亡吳枚吳嘉謨吳超曾吳振飛均被執不屈死俱世襲雲騎尉涇縣志

吳欣曾涇縣舉人官山西知縣丁憂歸咸豐十年同弟監生省

曾集團禦賊被害兩江忠義錄

董良澍涇縣人捐貲練勇防堵多年咸豐十年遇害尋於同治

三年

旌

卹涇縣志

董學舒涇縣庠生帶勇剿賊陣亡祀忠義祠涇縣志

葛國社涇縣人道光己酉出穀二百石賑水災咸豐十年在章

家渡力戰陣亡是年副貢朱廷珮及朱元愷在黃村卜志益在

崑山趙文離在丁溪縣丞文北斗查子文監生王瑞庭在太平



岡軍功查光炳在灣沚皆接仗陣亡

涇縣志

朱宗怵涇縣監生六品職銜咸豐年間同弟齋奏官朱宗志等募勇禦賊十年髮賊竄陷縣城宗怵宗志率本姓團丁守禦防剿均各陣亡文生朱廷銓復起團殺賊捐軀闔門七十一人均死之同治十一年

涇

郵專祠專坊

黃鉅奏案

趙同鏗涇縣監生捐資募勇同監生趙汝舟督防丁溪陣亡

涇縣志

王國賓涇縣武生成豐十年帶勇禦賊眾潰殉難

涇縣志

汪廷槐涇縣人咸豐十年同子從九善贊督勇剿賊陣亡

涇縣志

趙瑛州同銜趙鼎元布理問俱涇縣人嘗捐資募勇防堵咸豐十年督勇剿賊同遇害均同治五年

旌卹是年潘周仁萬倫玉查汝葵及子查梓林孫查朝宗並喋血殺賊

而死

涇縣志

胡澤順涇縣人候選訓導嘗助軍餉三千餘金咸豐十年賊至

格鬪死於同治元年

旌建祠坊世襲雲騎尉

涇縣志

沈眾字萃三以率勇剿賊保六品朱果字顏卿廩生並涇縣人

均於咸豐十年城陷殉難於同治四年

旌卹

涇縣志

童杞涇縣庠生屢督團殺賊及城陷不食死

旌卹如例

涇縣志

潘青雲涇縣監生捐募團勇屢勝咸豐十年萬級嶺失守聚三

千人伏村口襲賊被圍中數十刃死

涇縣志

江宗靠涇縣監生成豐三年督團禦賊捐資助餉十年賊至被

執死

涇縣志

江宗松江巨視江巨福江巨定俱涇縣人咸豐十年均各全家

殉難又江兆雙辦團勸捐有年是歲同子巨瑤姪巨政巨歡闔

門七人殉難

涇縣志

董愛珍涇縣人咸豐十年率勇剿賊不坊鎮陣亡祀忠義祠

涇縣志

志

吳光瑞涇縣人候選理問嘗捐資助官軍克復縣城咸豐

十年敗歿於銅山是年從九許聖中守城殉難胡世滋同子欽

祖俱禦賊敗死

涇縣志

鍾滿琪涇縣人粵匪竄涇滿琪振臂一呼從者百人殺賊數十

受傷而死又程文光捐資助餉督勇防堵城陷殉難

涇縣志

劉純熙字敬亭旌德庠生咸豐十年賊踞城脅民進財物熙曰  
不與賊必至與之盡亦必至不如擊之率團攻城眾潰被執死  
祀昭忠祠世襲雲騎尉劉守濟等三十八人皆從純熙力戰陣  
亡

旌德  
縣志

喻元白旌德人咸豐十年賊踞城元白與饒爾儀帶勇攻剿斬  
馘甚多賊詐稱官軍襲之均力戰遇害喻一社等百三十六人  
並從喻元白陣亡賊亦旋遁

旌德  
縣志

方廣旌德人從九品咸豐十年集勇二千人擊賊南門外賊少  
卻分股襲廣後力戰死汪士堅等九人從廣陣亡

旌德  
縣志

任廷彬旌德監生以帶勇駐防石埭給六品頂戴咸豐十年賊  
踞城廷彬率勇攻之遇害

旌德  
縣志

呂慰曾字帶波旌德人咸豐十年賊踞城擾孫村慰曾集勇四

百往救殺數十賊賊遞旋復至請援未到被執死

旌德縣志

汪慶雲字自菴旌德副貢咸豐十年賊擾西鄉雲帶勇連敗之

大股至力竭遇害汪子慎等九人均從戰死

旌德縣志

汪應寵字錫三旌德舉人咸豐十年同候選布理問汪應實剿賊殉難俱

旌德銀兩祀昭忠祠

旌德縣志

王範成字隲堂旌德廩生集鄉人擊賊殺傷甚多大股至被執

不屈死

旌德縣志

張善煩旌德人九品銜咸豐十年備資團練一家殉難

旌德縣志

呂賢增旌德人縣丞銜咸豐十年同理問朱德偉江采荇從九

品王丙時諱守基方偉文王希名生員江心豫呂喬齡劉蔚章

劉嘉泉劉寅清朱鈞從九品呂汝荀張濤汪淑劉鑑忠劉崇忠

劉習績劉義泰朱則諫朱德材朱懋寵呂諧聲王峒坡監生葉  
 錦雲呂賢因譚師古朱定元劉篤祺劉象忠劉璽林劉曜忠劉  
 習后劉文培劉習監朱家職朱德冠朱家箴朱家同張元柳曹  
 德成周禮周錦姚學俊呂烈蔭呂文秀程家恩呂偉倫呂偉金  
 千總朱懋功汪國幹八品朱則鸚朱果先後帶練殉難旌德縣志  
 呂廷彩旌德人州同銜同從九品王雲波王德淦文童呂慰曾  
 俱禦賊陣亡於同治十一年

旌卹祠坊

黃銑奏案

呂祥彩汪照喜陳顯良俱旌德人咸豐十年在浙江長興縣陣  
 亡於同治八年

旌卹祠坊

浙江奏案

汪恆旌德舉人官銅陵訓導咸豐七年水師克復縣城委辦團

練十年城陷一門九人殉難又汪時盛一門殉難三十二人

江兩

忠義錄

任本灼旌德人八品銜咸豐十年同從兄本泉率族禦賊歡喜

嶺擒殺八人賊大至不敵退戰觀音橋俱陣亡從弟俊祥等十

六人從死

兩江忠義錄

王天佑字申甫太平人從九品辦理涇太團練咸豐十年同文

童王銓業王秉清王長生在新豐剿賊陣亡又監生王宏倬同

子廷樞廷科在新豐被執不屈遇害均同治間

**旌**

卹天佑世襲雲騎尉

太平縣志

崔維城崔榮芬俱太平人從九品咸豐十年堵剿仰山橋均中

創死監生崔國衡殉之歲貢崔森鄉導援師亦死之

太平縣志

王國棟太平人候選縣丞咸豐十年同候選縣丞王東陽附貢

崔國玖從九項安樂先後帶勇禦賊殉難均同治年間

旌

國太平  
縣志

崔有恆太平人積功保八品咸豐十年同趙壽山王學誠周松

胡漸矛八品崔祥謙監生劉開領先後督勇禦賊陣亡

太平  
縣志

崔烜字慎齊太平庠生以辦團保訓導咸豐十年在譚家橋擊  
賊陣亡

贈

國子監學錄銜世襲雲騎尉

太平  
縣志

劉會一太平舉人前讀榆訓導趙惟寅太平廩貢前六安學正  
咸豐十年同歲貢劉世忻附生劉豹文督勇剿賊與劉肇勸劉  
肇勸均陣亡事聞

旌

國會一惟寅均世襲雲騎尉

太平  
縣志

崔文欽字敬安太平人歷署福建侯官巡檢上杭縣丞廉敏有



聲同籍辦團保升經歷咸豐十年賊犯章村文欽帶勇截戰中  
創傷重旋死事聞

旌卹

太平縣志

崔鶴林太平人五品外委咸豐十年同從九崔金錄在章村率  
勇禦賊均陣亡

太平縣志

王肇宗太平武生襄辦涇太團練屢立戰功咸豐十年賊至扼  
吭死

太平縣志

蘇望眉太平人以督勇守隘保六品咸豐十年剿賊陣亡

太平縣志

項允文太平文生咸豐十年縣城陷集勇規復剿賊陣亡

太平縣志

黃元珍太平監生咸豐十年同文生譚淦崔鹿萃崔國器崔彭  
壽監生劉啟華劉太亭民人崔有文孫文題先後集團禦賊被

害

太平縣志

王敬典字慎齋太平副貢教諭捐資倡團咸豐十年同舉人王際雲文童王超元軍功王文潛在後岸督勇陣亡又文生王逢春在萬級嶺中鎗陣亡

太平縣志

王新棟太平人道光己酉咸豐丁巳兩次平糶拯饑庚申率勇殺賊陣亡

太平縣志

方鴻太平武生都司銜少孤母項守節撫之咸豐十年合門殉難又附生崔曜奎孫夢麟監生穆兆麟方三從九穆兆鳴穆守漢杜爲名崔維賢方六一崔夢梓俱一門殉難均同治開

旌卹方鴻世襲雲騎尉崔曜奎廕雲騎尉

太平縣志

王宏富太平人嘗捐田百餘畝及屋宇山地爲族中文會之用咸豐十年一門殉難是年崔鳴興崔鳴羅一門三十餘口同時殉難又附貢鄭琳增生王鴻才監生王佩球王佩玖從九崔資

榮崔驤崔國杰孫棟梁譚應侯孫咸康民人王光全王山壽項  
大發焦良鴻方定邦張國洪崔志濤崔桂壽崔鴻發崔國珣崔  
培鳴崔沐生陳本鑑崔德滋張進海王文德王宏川譚全有周  
鳴諧一門殉難

太平縣志

王惠元太平人咸豐十年與母妻嫂姪等一門十七口殉難

太平縣志

王燃黎太平文生自軍興卽首創保衛聯絡二十七姓團練籌  
防習勇數年不懈咸豐十年剿賊死先後禦賊殉難者又有舉  
人杜維崧監生胡雲章從九張文翰譚鵬飛

太平縣志

崔集賢太平人以備資練勇功保縣丞咸豐十年同弟外委崔  
葉祥崔鑄祥及千總汪九齡援徽州府均陣亡

太平縣志

王宏炳太平庠生同弟附貢生士升軍功際盛售田備資募勇

駐守萬級嶺屢次堵剿咸豐十年帶勇隨官軍紮老灘為賊所

襲被害

太平縣志

崔敬字潤澤太平人六品軍功咸豐十年同伯父監生華實及

監生張傳祖外委方維魁帶勇禦賊殉難又庠生崔敬字璧文

曾率團從官軍剿賊於崇覺寺者後亦殉難

太平縣志

劉汪林太平人咸豐十年同項德通項進發項天球葉永源設

酒食金帛給賊截殺十數人旋皆被害

太平縣志

王祥符太平人同弟祥琉屢立戰功保五品翎頂咸豐十年防

堵衢州同軍功六品王大梁八品王如剛均陣亡

太平縣志

汪驥旌德人把總咸豐十年在廣德陣亡祀昭忠祠世襲雲騎

尉

旌德縣志

孫瑞齡字紀堂太平人曹州府同知以省墓假歸道梗寓鄒縣

倡辦團練咸豐十年率勇剿捻陣亡

贈道銜世襲雲騎尉

太平縣志

汪應濤字松舟旌德人貴州府經歷咸豐八年在思南擒斬苗匪以功升直隸州知州調四川剿白號匪大小百餘戰皆捷十年殉難秀山

恩卹銀兩世襲雲騎尉祀昭忠祠

旌德縣志

潘維新涇縣人江西樂安縣典史咸豐閒樂安城陷一門殉難

世襲雲騎尉

涇縣志

邱鴻源涇縣人咸豐年閒帶勇立功績溪嗣剿賊北鄉陣亡

涇縣志

左履鼇字海山涇縣舉人選建德教諭訓迪諸生文行交飭雪生員十餘人冤悉開復之截取浙江知縣賊竄杭州履鼇守湧

金門城陷殉難

贈知府銜祀昭忠祠世襲雲騎尉涇縣志

潘翊藩涇縣人江蘇知縣咸豐十年在丹陽縣辦理糧臺禦賊

殉難世襲雲騎尉涇縣志

胡堯戴字蔭庭涇縣人官上虞知縣修城儲糧募勇防守咸豐

十一年率勇擊賊陣亡

贈太僕寺卿世襲雲騎尉是年潘繼恩潘時敬並以守涇城殉難世襲

雲騎尉涇縣志

蘇麟閣太平監生咸豐十年在長陔死難閩浙總督奏准祀昭

忠祠廕雲騎尉太平縣志

葛學普宣城人咸豐十一年督勇擊賊裡頭橋毀其望臺賊磨

至手殺數人被執死是年丁中起在橫罡橋及監生張仲友張

仁武俱以率眾禦賊被殺

兩江忠義錄

胡坤涇縣人咸豐初同王良意率勇擊賊賞五品軍功十一年

陣亡又監生王少清嘗襄辦團練於是年全家殉難

兩江忠義錄

周文吉字霸庭甯國諸生篤學好施歲施衣棺遇荒平糶獨力

捐辦西鄉保衛局咸豐十一年殉難甯國團練皆人自爲戰其

殺賊陣亡可考者有胡乃定饒道士饒三久許新葛啟義周啟

純周垂勅周裕泰周遵湧

甯國縣志

王鳳翔五品軍功程文英六品武生俱太平人嘗督勇守隘咸

豐十一年同千總王明思在黟縣陣亡

太平縣志

黃爾潔太平人咸豐十一年同弟爾鐸帶勇堵賊湯口被執死

太平縣志

周履祥太平人咸豐十一年率勇駐箬嶺隨官軍進攻賊卡戰

歿

太平縣志

焦履祥太平監生咸豐初隨歐陽黎照復石埭十一年同監生

焦履亨閩門殉難

太平縣志

張永迪太平監生咸豐十一年帶勇剿賊與弟康喜子本立均

被害

太平縣志

呂振聲旌德庠生咸豐十一年同庠生方懋彩州同呂偉鉅從

九品曹昱亮呂耀武呂烈芙許摺笏監生朱則波呂文寶呂偉

恭呂偉桂理問朱守振帶練殉難

旌德縣志

陳殿鑾宣城人候選主簿倡辦團練屢獲勝仗咸豐十一年在

黃鎮督團禦賊被害

宣城縣志

左錦隆左添沛並涇縣人兄弟有勇略久集團練防堵丁溪咸

豐十一年錦隆中礮死添沛督勇進戰迭勝重傷觸石死均世



襲雲騎尉建專祠是役也諸生趙丙炎趙嗣忭監生左作舟並

陣亡祀忠義祠

涇縣志

趙瀛字虎文涇縣人副貢生督勇堵賊咸豐十一年同子庠生  
守和遇害又舉人教諭吳駿材督勇禦賊同子報春報命遇害  
又州同曹學文諸生曹良善並被執不屈各與妻同死俱祀忠

義祠世襲雲騎尉

涇縣志

呂祥齡涇縣監生成豐十一年賊竄銅山帶勇堵剿陣亡一門  
七口殉之同治年

旌卹

涇縣志

沈榮恩涇縣人浙江從九品咸豐十一年杭城陷隨將軍瑞昌  
滿營陣亡世襲雲騎尉

涇縣志

李宣葵宣城人浙江杭州府稅課大使咸豐十一年杭城陷死

之於同治六年

卹銀坊祠世襲雲騎尉又旌德人胡福義葉叶春江某程某均於是年在長興禦賊陣亡

旌卹坊祠

浙江奏案

崔夢梧字秋卿太平舉人歷任緝雲桐鄉知縣有聲咸豐中檄辦皖南軍務旋任浙江松陽縣創建書院咸豐十一年委巡杭城殉難事聞

旌卹

太平縣志

王德駿涇縣人署正安州咸豐十一年城陷與子從九良輔死之是年州同李慶恩在高嶺陣亡

涇縣志

包紀雲字瑞廷涇縣廩生嘗督勇擊賊青陽咸豐十一年攻包村賊卡斷臂同治元年乃死鮑超咨奏

旌卹

汪縣志

王樹德宣城人五品軍功同治元年在竹塘督團禦賊被執死是年貢生陳桂芳在灣汊八品軍功陳康在新河莊六品軍功陳及鋒八品軍功陳錦江議敘八品徐允梧俱在金寶圩率勇拒賊死之

宣城縣志

丁翥宣城人候選訓導創辦金寶圩團練屢挫賊鋒斬獲無算以積勞成疾卒同治元年賊竄水陽候選按照磨袁澄帶勇日夜攻擊會候選訓導魏珍助剿殺賊及淹斃者不可計數賊酋李世賢復糾眾來攻十二月圩破澄與珍及襄辦國務唐及紳唐文炳等均死之圩中殉難者近八九萬人翥公正和平慮事詳慎尤爲圩人所推服故當皖南糜爛之際獨能以一圩撐支賊中歷十年而後敗皆翥爲之倡也先是有諸生王蘭監生陳

王六品軍功阮璘嘗帶勇殺賊亦同時殉難兩江忠義錄

湯寅清宣城增生同治元年在華陽山率勇禦賊被執不屈死

又諸生劉啟林從九陳勳俱帶勇陣亡兩江忠義錄

劉漢川宣城人候選主簿同治元年帶勇扼賊鰲魚背不敵赴

水死從九劉聚源外委劉彥榕監生劉繼志同時陣亡兩江忠義錄

章休臻字瑞圃涇縣人倡議團練督勇守隘同治元年入山招

勇遇賊被害又汪紹文趙昇元均帶勇陣亡休臻紹俱

旌卹如例涇縣志 兩江忠義錄

吳鍾準涇縣人候選內閣中書同治元年與廩生吳宗起吳守

然督勇殺賊陣亡均祀忠義祠世襲雲騎尉涇縣志

劉青照旌德庠生同治元年同庠生劉其仁監生劉上元外委

朱德榮帶練殉難旌德縣志

王繩武太平附生同治元年在金寶圩隨官軍剿賊陣亡

太平縣志

谷開元太平縣人僑居和州同治元年髮賊竄和隨眾保衛州

城與其子同死之

和州志

崔國太太平人軍功五品同治元年帶仙勇護勇收復太平縣

城後賊回竄接仗陣亡

太平縣志

項雲衢太平人從九品同治元年在湖北隨州毅桓營陣亡從

優議卹

太平縣志

方景星太平監生嘗賑難民並收埋尸骸七百餘具同治元年

一門殉難

太平縣志

朱棟梁涇縣監生咸豐十一年同朱文炳備資團勇駐防清溪

壩同治二年隨官軍攻城陣亡

兩江忠義錄

崔鼎彝太平人知府銜布經歷隨父迤南道崔紹中行營陣亡

世襲雲騎尉

太平縣志

劉遇乙旌德庠生同治二年同從九劉祥兆劉聚寶監生劉孝

銓帶練殉難

旌德縣志

胡福廣太平人同治二年督勇禦賊黃嶺與鄭貴成均死之

太平縣志

縣志

李廷波太平人同治二年與弟廷輔全家殉難

太平縣志

王文烈字紹謨太平貢生建平教諭粵賊圍城同知縣堵禦受

傷死

太平縣志

焦均照字雙堂太平人官甘肅平涼典史同治二年同匪圍城

均照率民兵堅守七月無援城陷被害祀平涼昭忠祠世襲雲

騎尉

太平縣志

陳承先涇縣人候選按照磨同治二年辦團隨剿陣亡世襲雲

騎尉又趙鴻章迭次帶勇身受重傷是年在甯國縣陣亡

涇縣志

胡心慰宣城人從九品嘗率勇在洪林橋助剿後勇散避居建

平賊至不食死

兩江忠義錄

查守誠字篤軒涇縣人副貢幫辦團練捐餉銀二千兩練費錢

六千緡後在西鄉剿賊陣亡世襲雲騎尉

涇縣志

馬益臧字魯卿涇縣人道光丁未進士官安慶府教授回籍督

辦團練在芭蕉嶺被害世襲雲騎尉

涇縣志

朱卓成涇縣人湖南州吏目在籍帶勇遇害祀昭忠祠世襲雲

騎尉

涇縣志

崔雲煥字受軒太平舉人粵賊犯境嘗練勇隨官軍堵禦後任

來安教諭城陷殉難事聞

旌卹

太平縣志

崔華太平人浙江縣丞在蘭溪防堵陣亡太平縣志

崔崧太平人崔齡之子四川候補未入流同治三年在安定營

陣亡太平縣志

沈士瀛涇縣人官清溪知縣城陷同其孫沈鶴齡死之

敕建專祠廕卹如例涇縣志

張廷楨王三喜俱涇縣人以功保把總同治五年在湖北陣亡

均世襲雲騎尉涇縣志

吳作邦涇縣人湖北巡檢緝盜梁子湖覆舟死

贈主簿銜廕子入監涇縣志

包聰敬鍾玉鳳俱涇縣人督隊陣亡祀忠義祠涇縣志

李道聘李明新李光遠李進生涇縣人俱率勇殺賊陣亡涇縣志

陳兆應涇縣人府經歷帶勇剿賊雲嶺村力竭投井死又監生



徐楠在黃柏嶺監生李增光在高嶺俱帶勇剿賊陣亡

涇縣志

朱春泉涇縣庠生同監生朱一濱從九王堯圃王森桂及吳

烈萬日新王安甫李百修徐含華徐守清徐芳蘭徐金山徐廷

松王登瀛俱一門殉難

涇縣志

李道行涇縣人從九品同鄭問曉先後率勇禦賊陣亡

旌卹如例

涇縣志

陳朝宗涇縣人從九品率勇擊賊陣亡

涇縣志

譚得勝太平人積功保守備加都司銜同治六年在湖北剿捻

陣亡

太平縣志

項千祥太平人坐樓上賊至索金祥曰金藏樓簷攀檻可得

賊步虛摸金祥推之并墜樓死

太平縣志

胡自盛太平監生同監生胡自達民人胡家遞胡家賓胡家救

胡家昌胡家懷胡發寶胡興祖胡慶福胡慶言胡家長胡家田  
胡成寶胡家來胡家玉胡慶理胡慶元胡家喜胡家增胡慶魁  
胡慶忠胡家理胡家發胡慶玉胡慶萬胡家富胡家琴胡慶全  
胡慶陽胡慶興胡慶華胡慶海胡河生胡忠林胡自州胡自全  
胡自富胡金寶胡家天胡麻富胡義麟胡發美胡慶高胡慶閣  
胡國祥胡慶夏胡慶成胡慶發胡二喜胡少妹胡雲高胡洪黃  
胡麻成胡新發胡新春胡天林胡田發胡萬祖胡家明胡家赫  
胡家武胡家林胡雷升胡華顏胡慶容胡五萬胡自公胡自簡  
胡自磨胡家添方征德潘義潘祿壽潘光祖程長保程元喜程  
天美俱禦賊陣亡於同治十一年

旌卹祠坊

黃紅  
奏案

重修安徽通志卷二百八

人物志

忠節七

池州府

唐姚顯字尙晦銅陵人乾符中黃巢陷潼關顯拒戰死僖宗嘉其忠謚英烈立廟祀之

一統志

宋羅復字無悔銅陵人政和三年進士知牂城縣靖康之難金人逼城下復力禦之身被重創死守久之城始陷南渡後以忠

節褒

江南通志

程端中伊川之子南渡後徙家池州建炎中知六安軍事金人攻六安端中固守城破死之池州都統制程全收其骨葬於池

一統志

葉諒建德人開禧三年金人分道南侵諒集兵禦之中流矢卒

贈武經大夫

一統志

華岳字子西貴池人爲武學生韓侂冑當國岳上書極斥其奸侂冑大怒下大理貶建甯園土中郡守傅伯成憐之命出入毋繫伯成去守李大異復置之獄侂冑誅放還復入學登第爲殿前司官屬以史彌遠當國鬱不得志謀去之事覺下臨安獄獄具坐議大臣當死甯宗知岳名欲生之彌遠曰是欲殺臣者竟

杖死東市

宋史本傳

丁黼字文伯石埭人淳熙進士歷知信州真德秀薦其治行遷提點刑獄尋除直祕閣知夔州端平三年以四川制置副使兼知成都府嘉熙三年元兵自新井入詐豎宋將李顯忠之旗直趨成都黼以爲潰卒以旗榜招之既審知其非領兵夜出城南

迎戰至石筍街兵散輔力戰死之輔帥蜀爲政寬大蜀人思之

事聞贈顯謨閣待制諡恭敏建廟賜額褒忠

宋史本傳  
江南通志

江應洪字泰之青陽人慶元五年進士趙方帥襄陽辟應洪爲  
佐後知德安府決數十年疑獄擢淮東提刑兼知揚州元兵至  
多方禦之力屈死

一統志

清溪二生貴池人不知其姓名德祐元年巴延下池州州判趙

昂發死之二生撫其屍哭曰生爲趙氏臣死爲趙氏鬼何以洗

此冤清溪一泓水躍入弄水亭下死

池州府志

蘇劉義貴池人少事呂文德爲部將景定中以鄂州戰守及城

鄂常澧州功賜緡錢知吉州軍事德祐二年元兵至皋亭山帝

昴降劉義帥所部去追及益王昴廣王昴於溫州乃與張世傑

陸秀夫等立昴於福州昴以澳風驚殂復立昴徙居厓山兵敗

劉義與世傑斷維奪港而去會秀夫負王入海世傑亦死劉義

至海上憂憤爲其下所殺子景瞻隨父在行間厓山敗不知所

終

宋史端宗帝昀紀池州府志

元陶起祖銅陵人至正間斬黃盜起聚義兵捍禦鄉里授廬江

知縣判銅陵事遷池州路同知爲趙普勝叛軍所執死之

江南通志

余仕榮建德人元末佐余闕守皖與之同死

建德縣志

明曹信字信玉貴池人元末盜起信同弟文玉起兵護鄉里常

遇春克池州信兄弟率所部降信以功授衛鎮撫從征陳友諒

戰死鄱陽湖贈含山男肖像康郎山忠臣廟

明史趙得勝傳池州府志

錢清字公清青陽人元末盜起趙普勝立砦於九華山之遠谷

巖清亦集其里人立砦於九華山之六泉口以自保護常遇春

遣趙忠下青陽清率眾來歸擢萊州衛指揮使吳元年從征張

士誠戰死

一統志  
池州府志

桂一季石埭人陳友諒陷石埭一季集兵自保常遇春收石埭

一季率鄉兵爲導歿於陣

池州府志

甯駒青陽人以材武從太祖有功授錦衣衛千戶後歿於陣

池州府志

志予世襲又陳馨任饒州經歷靖難時殉節

青陽縣志  
新增

黃觀字瀾伯一字尙賓貴池人父贊許從許姓受學於元待制

王昇昇死節觀益自勵洪武中貢太學會試廷試皆第一累官

禮部右侍郎乃奏復姓建文初改官制爲侍中與方孝孺等並

親用燕王兵起觀草制諷其散軍歸藩語極詆斥奉詔募兵上

游至安慶燕兵已入京師命有司追捕收其妻翁氏并二女給

象奴翁給奴出與二女并家屬十人投淮清橋下死觀聞金川

門不守歎曰吾妻有志節必死招魂葬之舟至羅刹磯朝服東

向拜投湍急處死

明史本傳

國朝乾隆四十一年

賜諡忠節

勝朝殉節諸臣錄

陳敬宗貴池人洪武辛酉進士建文時爲刑科給事中靖難後有詔授敬宗官敬宗上書猶稱殿下請退位藩服詔收之腰斬於市

一統志

金焦貴池人建文時爲御史以劾尹昌隆擢刑部右侍郎金川門不守不知所終或言其從建文帝出亡卒於祥符

明史牛景先傳

池州府志

按金焦事見史仲彬致身錄而明史不載然附其姓名於牛景先傳後亦過而存之之意也倪益之事亦出傳聞故附其後



倪益字巽夫建德人洪武乙丑進士官行人司司正性耿介有

聲於朝或言建文南行遇益相扶大慟要勿洩益矢以死命子

晟隨行尋縊建德縣志

柯永淳貴池人父德禮元末同錢清起兵保障池州明初從常

遇春征伐有功官千戶永淳襲職永樂中從英國公張輔征交

趾力戰死江南通志

吳懋宣貴池人祖成明初以功官雄武衛百戶懋宣以蔭為杭

州衛指揮同知嘉靖閒浙寇起指揮陳善戰死賊退懋宣追之

亦被創死與陳善並賜祀忠烈祠貴池縣志

桂經字大經貴池人官真甯都司都事清邊外侵地擢霑益州

知州使八百媳婦市阿魏以誣落職尋復官安賊叛所司檄往

招撫經哨牧羊營賊突至不屈死錄其一子池州府志

劉應鶴字元舉青陽人以儒士官龍泉主簿遷遼東右屯衛經歷城守有功擢永平府通判會府將劉興治叛執應鶴罵不絕

口遂遇害

池州府志

湯九州石埭人崇禎時爲昌平副總兵六年夏流賊擾河北畿南命九州協剿屢破賊兵賊悉渡河而南其冬大敗過天星於吳城鎮追闖天王等於五華集又敗之七年擊賊崇縣之潭頭賊謀再犯山西九州赴援以河南剿賊功加署都督僉事八年被劾從軍自效賊走內鄉浙川要地九州與左良玉提之九年賊走登封石陽關與伊嵩賊合九州期良玉夾擊良玉中道歸九州以孤軍由嵩縣深入誤入深厓賊數萬據險攻圍勢不支

夜移營爲賊所乘遂戰歿

明史本傳

國朝乾隆四十一年

賜諡忠烈

勝朝殉節諸臣錄

蘇瓊石埭人崇禎甲戌進士授景州知州景多大瑤要職忌瓊之抗調瀘州時張獻忠屢犯瀘瓊守禦甚固己卯冬監司夜過啟城賊乘以入瓊巷戰力竭被執大罵不屈死妻舒氏亦自裁婢僕從死者七人事聞贈太僕少卿

一統志江南通志

國朝乾隆四十一年

賜諡忠烈

勝朝殉節諸臣錄

袁國棟字貞幹青陽人官中府經歷孫承宗知其才奏爲真定府同知署永平知府多方撫戢兵民便之巡撫方一藻題薦監軍河南與賊八戰八捷以老於行陣補遼東監紀同知守禦松江中流矢卒贈山東按察使副使

盛京通志池州府志

國朝乾隆四十一年

賜諡烈愍

勝朝殉節諸臣錄

余瑀字聿高銅陵人以貢授隨州州判崇禎十四年三月賊至

知州徐世瀄殉節瑀署州事七月賊再至城陷瑀罵賊死

明史徐世瀄傳

國朝乾隆四十一年

賜諡節愍

勝朝殉節諸臣錄

邵可灼建德人官邠縣知縣崇禎十四年闖賊陷城不屈死

明史

李貞佐傳

國朝乾隆四十一年

賜諡節愍

勝朝殉節諸臣錄

王元封建德人湖廣大圍山守備崇禎十六年流寇犯境單騎

入賊寨酣戰馬仆猶手殺數人而死

舊注明史未詳按府縣志俱失載

國朝乾隆四十一年

賜諡烈愍

勝朝殉節諸臣錄

鄭三謨字都甫建德人由舉人歷南戶部郎出爲高州知府歷署雷瓊廉巡守道以才能稱盜劫茂名赴救爲所害郡人三日哭立廟祀之

江南通志

國朝乾隆四十一年

賜諡節愍

勝朝殉節諸臣錄

馬應魁字守卿貴池人初爲小將巡村落間猝遇賊連發二矢殪二賊賊遂退史可法拔爲副總兵每戰被白甲大書盡忠報國四字於背

大兵破揚州應魁巷戰死

明史劉肇基傳

國朝乾隆四十一年

賜諡烈愍

勝朝殉節諸臣錄

道光四年祀忠義祠

桂超萬文集新増

吳應箕字次尾貴池人善今古文意氣凌厲一世阮大鍼削籍  
僑居南京應箕偕復社諸生百四十餘人爲留都防亂公揭討  
之後大鍼得志謀殺周鑣應箕入獄護視大鍼急捕之夜亡去  
南都不守起兵應金聲兵敗被獲慷慨就死明史金聲傳

國朝乾隆四十一年

賜諡忠節

勝朝殉節諸臣錄

汪思誠字純一貴池人爲史可法副將揚州破從可法死

明史史可法傳

國朝乾隆四十一年

賜諡節愍

勝朝殉節諸臣錄

道光四年祀忠義祠

桂超萬文集新増

桂有燿石埭人以歲貢授江西撫州府學訓導

大兵入撫州有煙自死一統志

國朝乾隆四十一年

賜諡節愍

勝朝殉節諸臣錄

曹大鎬貴池人爲管理義勇營總兵江西破招亡卒往來廣信

邵武閒後事敗被執死明史

國朝乾隆四十一年

賜諡忠節

勝朝殉節諸臣錄

道光四年祀忠義祠

桂超萬文集新增

李可受字季度青陽人崇禎六年以太學生投澄城主簿流賊

踰秦中澄城屢被攻圍可受佐令死守八年秋賊大至或勸棄

城走殺然曰位雖卑死吾分也城陷不屈死一統志

湯文瓊字兆鼇石埭人九州之從孫也性至孝父母歿廬墓盡

哀九州戰歿嘗上書闕下請卹不報遂投徒京師數上言時政

不見用京師陷慨然語其友曰吾雖布衣獨非臣子耶乃書其  
 衣衿曰位非文丞相之位心存文丞相之心投繯卒福王時給  
 事中熊汝霖上疏表其忠節贈中書舍人祀旌忠祠明史本傳  
 陳公誥字大誥貴池人工文善書北京陷痛哭自經死一統志  
 吳穉明池州人流寓山西賊偏為向導不屈死山西通志

國朝乾隆四十一年

賜祀忠義祠勝朝列節諸臣錄

陳懋登字伯建青陽人以國子生授貴州按察使照磨署開州  
 事捕賊有功升四川布政使經歷賊破蜀被執不屈死妻高氏  
 子良臺良卿及僕王香等十三人同死焉池州府志  
 楊國仲石埭人官房縣主簿署縣事流寇充斥國仲招集流亡  
 完繕守禦比寇退而左兵至勢不支扼吭死池州府志



王家鐸東流人崇禎初授福甯州同知以艱未之官十七年左

兵陷城死之同邑舉人章美煥亦同時殉難

東流縣志

汪夢柏貴池人崇禎中官四川長壽縣丞以禦賊死

居易錄

甯自翰青陽人湖南守備崇禎十一年陣亡

青陽縣志新増

周光國貴池人官守備崇禎中寇至安慶戰死於鄧家店同邑

舒鳳羽官都司崇禎時以禦邊死又施大成以武舉候選京師

甲申之變被執不屈死

貴池縣志

徐時宣貴池諸生從吳應箕起兵死同邑姜可法者師事應箕

亦以起兵被執死同死者姜步墀姜金垣皆可法族叔也又鄉

勇唐光焄亦從應箕起兵死

貴池縣志

姜之齊貴池人福王時官游擊鎮守池州城陷力戰中流矢死

貴池縣志

曹大銓貴池人大鎬從兄爲桂王總兵官以兵出江西被執至  
章江死之又檀達祖與大鎬爲中表兄弟官副將亦被執不屈  
死大鎬在獄寄血書歸言其事

貴池縣志

姜金國貴池人性孝母病瞽吮之復明甲申聞變自投於清溪

宋二生祠下死同邑葉蒸祥官守備從史可法死於揚州

貴池縣志

程宗熹字贊孔貴池人崇禎十三年武進士以史可法薦授副  
總兵可法督師揚州宗熹解餉至將還聞事急遂留不去城破  
戰死

國朝道光四年

恩准祀忠義祠

貴池縣志

李之珍建德人以歲貢任舒城訓導崇禎壬午獻賊寇舒城之

珍率眾巷戰死之

廬州府志  
建德縣志

胡朝臣貴池人明季官都司後隸黃道周幕下道周勤王至婺源被執朝臣奮身來援遂死於戰

貴池縣志

王春元貴池人乙酉

大兵至池春元自服毒死同邑吳應春以令難髮不從死

貴池縣志

葉道美貴池人明季歷官游擊左兵東下破東流道美力戰死

之

貴池縣志

丁燿大學士紹軾子以蔭授戶部照磨上求芻一得疏遷主事升員外郎督淮安鈔關著權淮略奉委齋冬至表草兩都根本萬言疏將上之抵任邱遇賊陷坐失表文鐫級後又應詔上十

二議以不用歸池州謀起兵死

貴池縣志

國朝曹誠青陽人以貢歷甯州知州勤於其職康熙三年土司昌

言作亂誠盡力守禦城陷被殺

一統志

浦寶光字獻珍東流人乾隆三十九年以從九分發湖北試用  
補宣恩縣乾壩司巡檢署利川縣丞六十年居母憂值邪匪滋  
擾畱辦軍需遇賊陣亡奉

旨加等議卹世襲雲騎尉襲次完以恩騎尉世襲

予祭葬祀昭忠祠

東流縣志

陳棟石埭人四川江安縣典史嘉慶二年調赴達州軍營剿辦  
教匪以功擢府經歷後遇賊力戰死之事聞

卹蔭如例

四川通志  
新增

蘇濤石埭人嘉慶十八年林清滋事濤在文穎館禦賊捐軀世

襲雲騎尉子斌襲官至副將

石埭縣志  
新增

高鴻遠貴池人嘉慶初以候補縣丞揀發湖北值教匪跳梁生  
擒其魁二人應升知縣卒於軍事聞奉

言加贈國子監學錄入祀昭忠祠以上舊志

蘇在中建德人湖北漢陽府經歷署南漳知縣升補公安知縣

改廣西天保知縣築水陂灌田百餘頃調崇善存署南甯府知

府護左江道咸豐二年剿髮逆雷長鼐於永康州入戰皆捷糧

盡勇潰城陷死之

建德縣志以下新修

陳光耀石埭人湖北從九咸豐二年冬武昌省城陷殉難祀昭

忠祠世襲雲騎尉

石埭縣志

汪紹初建德人充安徽巡撫書吏咸豐三年從蔣文慶殉難

建德縣志

沈衍慶字槐卿石埭人道光乙未進士官江西知縣署興國安

義與民如父子補泰和建書院置學田革抗糧之俗調鄰陽戊

申己酉兩次賑水災全活甚眾又每歲費千金施藥散棉衣郡

湖多盜編漁戶名冊增設巡船屢獲巨盜以治行第一保薦咸  
豐元年引

見回任區勇匪蠢動倡辦團練鄱勇遂爲江西最三年春向榮規復金  
陵圍師餉缺衍慶籌糧二萬石解濟之徽州府屬米缺鄱人過  
難衍慶禁止之五月南昌被圍張芾檄令率勇馳援身先士卒  
殲賊無算省城圍解計賊必獎鄱陽紆道回縣同樂平知縣李  
仁元布置城守會大雨水漲賊舟四繞衍慶施礮擊沈數十舟  
賊登陸駛入衍慶仁元鏖戰重傷俱死之後得衍慶尸衷服徧  
鈐鄱陽縣印爲識失其左臂旋亦得之是年八月

諭曰逆匪竄擾江西饒州府城同知銜鄱陽縣知縣沈衍慶奮勇迎擊  
殺賊無數並手刃黃衣長髮賊目因眾寡不敌捐軀深堪憫惻著從  
優議卹建祠致祭以慰忠魂十二月部議加贈道銜給雲騎尉世職

恩騎尉罔替給祭葬銀兩祀陣亡地方府城昭忠祠奉

旨依議初衍慶生而耳聾保薦時並經疏陳

召見問耳聾何以聽訟衍慶奏以小几對簿近猶可審

上頷之尤爲異數云

石埭縣志并採訪子檢陳蘭夏變桂超萬等所撰傳及彭縣志表

陳瞻旭青陽人議敘八品咸豐三年率團禦賊陷伏死於同治

八年祀昭忠祠世襲雲騎尉是年監生張炳剛倡團拒賊力竭

投河死

青陽縣志

陳旭石埭人世襲恩騎尉從江忠源在廬州殉難祀昭忠祠

石埭縣志

縣志

倪德令石埭人都司咸豐四年防剿甯國陣亡是年賊踞石埭

女生畢鏞集團議攻事洩被害

石埭縣志

姚益謙貴池人江西按知事署廣信府經歷咸豐四年廣信府

城陷殉難同邑人建德汎外委戴廷棟亦於是年在汎帶勇禦賊陣亡一門殉難均世襲雲騎尉又在籍廣西縣丞曹壽及練勇黃日增謝解釐謝新年均禦賊陣亡文生阮長楨自經貴池志鮑廣玉青陽武進士湖北守備咸豐四年剿黃州賊殉難於同治七年

贈都司銜世襲雲騎尉是年監生王肇敏同陳世泰王牡丹王敦暢王敦亨王敦炳王崇道在廬江帶勇殺賊江蘇巡檢汪善慶同姪汪傳銘在籍率團禦賊劉朝珠集勇擒賊姜兆新從知縣張學襄守城均各陣亡青陽縣志

王學菊王錫福胡雨生胡代樂胡世林俱建德人咸豐四年從知縣王開貽守城力戰陣亡餘勇多潰有陳達者獨力拒戰死於城西蘭臺山下有孟長生者闕死於北門金世亨馮雲宗均



陣隕於梅山口

建德縣志

徐烈瑞建德武生成豐四年從委辦團練嚴國佐在赤頭關督勇剿賊與桂生榮章世四章世二及團勇鄭銳齊等四十八人

均陣亡

建德縣志

王月高貴池人咸豐四年率族團擊賊古田嶺擒斬多名給軍功尋同王爵高戰歿

貴池縣志

王占春貴池人從巡撫福濟剿賊咸豐五年隨右營赴固始剿捻力戰陣亡

貴池縣志

金就礪字他山東流拔貢蒙城教諭屢帶勇擊賊修葺城垣咸豐五年以疾歸遇賊被害

東流縣志

桂詵字卿一石埭廩貢訓導署泗州學正咸豐元年舉孝廉方正五年在籍帶勇守魚龍洞城陷救援不及抱石投水死世襲

雲騎尉

石埭縣志

蔣飛鵬石埭武生咸豐五年同姪賀壽守霧露嶺賊圍攻力竭同時陣亡是年桂連生黎民安俱帶勇戰北門城下武生孫飛熊同姪奪標禦賊黃土嶺均陣亡

石埭縣志

楊德虎石埭人軍功五品帶十餘人劫賊營死之

石埭縣志

袁郁青陽庠生咸豐五年帶勇殺賊受傷死祀昭忠祠六年胡

盧有集團團賊被害

青陽縣志

李杰字偉人石埭增生咸豐六年督團禦賊雍溪同子李明守監生李維鏘庠生李鴻翔及李自天李自根李仁壽等均力戰陣亡是年千總桂百良在涇縣陣亡

石埭縣志

謝青雲青陽武生保千總咸豐七年隨防崇覺寺陣亡文生林獻芹在籍率團殺賊妻曹子應觀同死之何仁之與弟何田玉

姪雙全家寶占鼇均殺賊殉難又理問王選屏亦帶勇陣亡

縣志

甘應虎青陽人同甘三盛甘苟保團勇防堵銅南界疊挫賊鋒

咸豐七年殺賊目多名後賊大至不敢均被執死之練勇甘感

善等十八人均死

青陽縣志

胡文湧石埭庠生率團禦賊與汪良佐胡獻廷湯彝保俱陣亡

石埭縣志

陳英才建德人咸豐七年在琉村禦賊陣亡是年陳聲遠等十

人徐承樹郝佩琚等三十五人均在上鄉鹽田等處殺賊陣亡

建德縣志

陳源深貴池人從九品久辦團練咸豐八年同監生方篤志帶

勇殺賊陣亡陳錫惠陳喜保陳求保陳樂保陳光壽方孝先方

定岐方聯魁俱從死是歲陳允宏陳允讓陳允傳陳允積陳允芬結團二千餘人防守馬嶺與監生陳錫祉陳相倫等四十一人均陣亡文生陳巍被圍歐血死又李致和團練殺賊同從九孫績臣高邦佐監生孫以昌孫翰周孫賀邦孫彬高宗陶孫丹鉛及練勇孫懋年等四十四人均陣亡

貞池縣志

張槐青陽人浙江平湖主簿咸豐八年在籍率團助剿勇潰被執不屈死世襲雲騎尉是年軍功六品文生陳體仁帶勇殺賊被害練勇陳啟賢等十五人均死又從九陳德厚軍功陳國棟王士懷林潤書章義懷民人陳效賢陳咸樹陳克守陳貴和陳之清陳開心陳璞成俱帶勇殺賊陣亡監生鮑珦率團禦賊殉難練勇鮑逢原鮑智壽等九人皆從死從九徐家達徐明瑞亦率團禦賊陣亡與鮑珦均祀昭忠祠

青陽縣志

鮑琅青陽增生咸豐八年同庠生鮑良奉祀生鮑天柱帶勇禦賊陣亡均世襲雲騎尉又監生洪肇南童生呂成之民人董烽子等防涇南界督勇殺賊死練勇章冰玉等八人董河清等五人同死之陳展知率勇防堵觀音堂亦死之監生王士珮督團剿堵與王士會王紹揚王文贊王紹慶詹會穩及團丁王士孝等二十九人並死之

青陽縣志

施仁政青陽庠生咸豐八年在楊田埂西小路監生施雨霖在南小路率團助剿陣亡俱祀昭忠祠施萬泰施連科等七人從死

青陽縣志

徐德彬王哲徽俱建德文生咸豐八年張泰忠之投誠也寶德彬哲徽爲之請是年泰忠帶勇營後河趙文照陣亡德彬營前河戰挫殉難祀忠義祠哲徽營洋湖陂與姚自攀等三十四人

均陣亡金歡生植良玉等五人在西參胡盛倉等四人在東參  
鄭瑞章等三人在楊村程宏壽等三人在歷山曹大林等三十  
六人在楊林新莊武生柯秉漢柯國棟及團勇王南貴等一百  
十人在張溪劉啟發徐惟志等千二百九十五人分駐張溪洋  
湖等處均血戰陣亡

建德縣志

鄭衍炤建德監生咸豐八年縣城陷衍炤同子培根赴東流調  
勇遇害

建德縣志

王樹風東流人咸豐八年春縣城既復賊猶踞建德樹風率勇  
立寨梅山嶺以扼之屢獲賊諜秋賊分路夾攻勇潰樹風猶率  
數十人力戰梅山口遇伏陣亡同邑鄭芳九洪敢才王祥慶洪  
克謹率勇馳救俱死之芳九子顯贊培守梅嶺并督建東橋卡  
亦力戰死距芳九之死僅十日

東流縣志

曹鳳飛一名鳳藻貴池附貢率族團練聯絡檀姚柯彭諸團防堵黃沙嶺卽黃山嶺也咸豐九年三月同附貢曹潛文生曹漢曹選青曹晉理問曹敬國曹敬學曹敬思曹克謙曹鴛飛州同曹雅言力戰陣亡監生曹敬才等三十七人練勇曹世仇等四十七人並戰歿監生韓必明移駐魁山與韓必良韓世莪等均死之四月文生檀時達柯漸佳監生羅拔茹羅暢懷文童姚希白復在黃沙嶺接仗陣亡檀恆選羅遠生姚立恩等三十三人均死陳丁香一門殉難十二月府城陷文生胡文煥吳爲棟及吳道一等死之

貴池縣志

劉掄三貴池人咸豐九年率眾擊賊夏家灣被害子墊路救父死之又監生胡全貴率勇拒賊陣亡

兩江忠義錄

夏鶴齡貴池人欽汎外委調防臨溪同柯榮高等陣亡子五品

軍功夏占鼂咸豐九年四月從都司營收復建德同外委汪聯陞及汪上達李得等追賊徐村均陣亡鶴齡聯陞並世襲恩騎尉

貴池縣志

陳悅玲青陽人江西縣丞咸豐元年在豐城帶勇守城殉難是年廣西永甯州知州章國棟在州守城全家殉難均於同治七年祀昭忠祠又團勇吳炳桃同施榮春施淮慶等防涇縣界章孔懷章正林戰殷家匯均陣亡

青陽縣志

陳德恩石埭人嘗率勇助剿咸豐九年賊攻石埭德恩復以鄉兵助防一月官軍敗走被殺練長汪良佐陣亡

兩江忠義錄

甯長敬青陽人臺灣同知剿辦嘉義土匪陣亡於同治四年

恩卹祭葬祀昭忠祠世襲雲騎尉

青陽縣志

黃試吉建德文生咸豐九年同監生王道麟督勇禦賊被執不



屈死是年軍功六品汪階九品蘇成萬等七十人在浮梁桃墅  
王賢适等五十一人韓祥日等四百十人均在黎痕武生汪萬  
春等十八人在分流戴秋旺戴富貴等在南安坂楊萬友等五  
人在還金亭江銀福等三人在沙灘箬嶺檀珍玉等十人在抄  
溪何紫照等六人在赤頭關均接仗陣亡建德縣志  
余兆泉東流人力能搏虎帶練金紫山疊次卻賊咸豐九年追  
賊陷伏死奉准

旌卹是年朱士秀胡修己朱國占鮑原耀葉朝定均以圖賊遇害東流縣志

江濤貴池文生五品銜同增生陳兆霖募勇千餘防守庫山咸  
豐十年調赴徽防同張泰忠解余永椿佛嶺之圍尋隕於陣姪  
浩馳援遇害所部團勇韓長發等三十三人均陣亡是歲徽州  
府城陷貴池從九桂福生同桂盛周桂朗照均在徽陣亡福生

一門殉難世襲雲騎尉其由徽調赴太平剿賊之五品藍翎陳春林營兵桂錦龍黃金標王聯陞俱貴池人均在郭村陣亡

縣志 影

縣三志

汪其紳貴池監生李佑之青陽貢生俱僑居東流咸豐十年楊岳斌令赴建德招降已約期矣會韋志俊襲建德賊謂爲其紳佑之所賣均害之

東流縣志

盛世祥貴池人當塗汛把總咸豐十年禦賊石臼湖同子錦文均陣亡

貴池縣志

高繼元貴池人浙江縣丞咸豐十年杭州省城陷全家自焚

贈知州銜卹祭祀昭忠祠廕子入監

貴池縣志

吳經麟吳鴻烈俱貴池武生咸豐十年五月帶勇破白洋賊卡迨至心田潘村均死之勇丁吳小常等十六人並陣亡

貴池縣志

張廣盛貴池人初僞天安劉逆之復踞池州也遣僞檢點甘蔡分屯殷家匯民憤苦之推廣盛爲練總竭力防堵咸豐十年迎剿於十里湖追奔陷伏與朱得水等五十七人均陣亡是年五月官軍破殷家匯賊壘貴池練勇助剿方來賓羅响保陳康樂朱朝柱秦小喜查懋學查修竹查百元查同柏查體元查奪標俱陣亡九月柯天開潘月桂秦犬俱一門殉難

貴池縣志

王道中青陽從九品咸豐十年同徐友仙王健如王崇篤在廬江團防局督勇陣亡是年甯國陷程名建從周天受剿賊陣亡六品軍功汪克和文生吳顯之吳金鏞防堵涇南率團殺賊死之又章大成散財募勇禦賊被害

青陽縣志

陳常瑞陳森俱青陽從九品自咸豐八年至十年總辦團練與八品王楷然從九品吳昌言陳業修李文炳林正明李御溝鮑

鍾錢曹學禮軍功汪汝諧楊克農林巖章麟陳又喜並先後殉  
難又甯振宇嘗督勇陵陽鎮助剿是年遇賊不屈死

青陽縣志  
兩江忠

義錄

胡繼學字裕全銅陵人貴州試用從九品代理永甯州知州咸  
豐十年髮賊犯境帶勇盤江陣亡世襲雲騎尉

銅甯  
縣志

丁承夏章木匠俱銅陵人倡義集勇禦賊死又胡澤潤張德祐  
俱陷入重圍汪志和邵聚年程長安朱沛然俱拒賊格鬪葛雙  
全設計焚賊丁十全截賊橋頭均遇害

銅陵  
縣志

王成聰建德人咸豐十年禦賊梅山口陣亡是年鄭龍貴等三  
人在月山橋軍功八品費永好等四人及劉能尙等三十二人  
在赤頭關均助剿陣亡

建德  
縣志

章茂生石埭庠生嘗捐資辦團咸豐十年與父獻廷兄秉彝均

遇賊受傷死世襲雲騎尉是年陳玉麟擊賊遇伏被害沈增元率勇守稠嶺陣亡監生唐汝濟隨父炯團練防堵均死之

石埭縣志

兩江忠義錄

江金綏東流人咸豐十年帶勇禦賊建東橋陣亡軍功八品陶

錫齡被執不屈死

東流縣志

高寅貴池人江西補用直隸州知州統帶飛划營水師咸豐十一年因傷病故

贈知府銜卹祭葬祀昭忠祠廕子州判

貴池縣志

徐時保青陽增貢教諭捐升浙江理問咸豐十一年在籍督勇

禦賊死祀昭忠祠縣人柏長生同死之

青陽縣志

陳家聲青陽人從九品咸豐十一年助剿中鎗死是年外委鮑

松林在景德鎮剿賊陣亡文生鮑俊在籍率團禦賊湯緒章率

姪文明文淵等十二人禦賊均死之青陽縣志

吳本如青陽庠生成豐十一年賊至全家殉難又蘇鏡如蘇學

海蘇想龍蘇詔祿蘇湧泉蘇金錢蘇朝宗蘇學斌蘇海春蘇孟

宗蘇學坡徐宏佑章觀梅章用賓潘簫韶朱維樅王忠心汪寬

寶汪官寶王遇早陳新春李逢泰施永祥施永禮及孫昌註之

妻子俱各一門殉難青陽縣志

鄭全坎貴池人咸豐十一年帶勇禦賊五里廟陣亡從九品桂

倚衡暨子淦成禮成及文生桂連璫均以集團死難倚衡世襲

雲騎尉又桂林開吳巨石桂畱濱桂容姚兼生劉選青劉秀官

劉隨之劉廣廷劉歷山劉龍章十一家均各閭門殉難建專祠

專坊貴池縣志

張觀猷字紹稷建德增生咸豐十一年帶勇追賊陣亡於栗埠

口同治四年奉

旌卹又李祿壽在梓木嶺仰索在梅嶺張浩康等三十七人在黃柏鋪

均咸豐十一年助剿陣亡

建德縣志

高都臣貴池諸生孔目銜高氏自咸豐四年率族人團練擊賊至同治元年死事者二百八十餘人都臣全家殉難其爲練長者監生高靜安高樂義高超高秉烈高松年高春田高舜臣高作賓高映宸高凌霄諸生高以莊高維誠分發湖北未入高淦前陝西隴州州同高世瑄從九高夢桃高保和高澤滋高秀之高貴行高作聰高聖基高道通高泰等

兩江忠義錄

何金麟

通志表作翁

字菊亭青陽舉人官甯國府訓導升鳳陽府教

授未赴任畱辦甯國府團練同治元年賊至合家殉難

甯都察院經歷銜建專祠專坊廕子入監二年武生林彪助剿建德練

勇羅廣慶從李榕守橫橋均各陣亡

青陽縣志

汪若水貴池文生同治二年賊由徽竄饒境若水帶團助剿在晏塘橋陣亡是年賊復竄殷家匯胡泰陳小亞陳轉福呂正發梁傳生同孫懋賓等四十二人均陣亡又鄭全禮禦賊五里廟李餘慶等十一人禦賊源頭均死之

貴池縣志

王振澤貴池人以團練給八品軍功同治二年同子尙柔殉難又有姜果成者禦賊勇潰獨殿而死其子被脅從賊見果成擊之歐血死

貴池縣志

李步瀛字文儔建德舉人粵匪犯境募勇防堵鄉里獲安同治二年縣城陷率勇守堡迭次接戰斃賊幾二百人賊合眾急攻勇疲食盡堡破自縊一門死節六人步瀛孝友博文彭澤鄱陽都昌湖口來受業者數百人著有玉堂詩草文傳新編亦有樓



續稿是歲監生陳元在栲溪嶺與團勇陳履吉等均殺賊陣亡  
文生葉同春在石痕嶺武生張承露在擊壤橋文生劉錫卿五  
品翎頂武生周光奎及張萬選等八人均在東陽橋軍功五品  
王德樹監生王正心從九王善述王寅賓均在新嶺檀德輝及  
馮奇香等五人在黃檗鋪葉崇禮在鳳皇嶺軍功六品董錦翔  
在陳家街軍功九品劉長生在小梅鋪俱禦賊陣亡又庠生徐  
貞葉承露劉先甲劉揚聲監生葉大林徐祐俱帶勇禦賊殉難  
外有軍功何從華在無爲州軍功檀秉性在徽州府何顯祈在

青陽縣俱從官軍剿賊陣亡

建德縣志

章福超章碩彥章福交俱東流人同治二年同領礮船由黃湓  
一帶溯流擊賊至坦埠河口登陸接戰均陣亡

東流縣志

徐家椿青陽監生自咸豐八年至同治二年辦團與徐依仁陳

文學陳錫寵陳合式陳占初陳鳳標陳翠峯張方渭柏志達耆民陳玉明鮑培操文生陳琨陳炳文先後禦賊殉難家椿依仁祀昭忠祠又文生施文藻等五十五人團勇許正壽等五十五人曹三順等二百人均陣亡

青陽縣志

桂以惠石埭人從九品同治二年同兄從九海齡千總以恆帶勇禦賊十三都七里監生楊子元禦賊宕頭山流溪均陣亡

縣志 兩江忠義錄

何宗林青陽人從席寶田立功江西保都司同治三年在浙江省剿賊陣亡族人何文忠何宗義殉之

青陽縣志

桂履鼇貴池人糾眾設卡殺賊甚多後被執不屈死又監生羅

泰六品軍功孫振鏞俱率勇禦賊黃沙嶺陣亡

兩江忠義錄

吳立信銅陵人藍翎千總禦賊陣亡世襲雲騎尉

英簡奏案